



RUKOMETNI SAVEZ BOSNE I HERCEGOVINE

HANDBALL FEDERATION OF BOSNIA AND HERZEGOVINA

71000 SARAJEVO, Ćemaluša 6/1, tel. ++ 387 33 66 81 43, fax. ++387 33 66 85 11

Web: www.rsbih.com e-mail: ruksavez@bih.net.ba

Sarajevo, 14.02.2018. godine

Predmet: Saopćenje za javnost

Posljednjih dana su se u javnosti pojavile različite informacije koje su stvorile nejasnoće u vezi sa odnosom Rukometnog saveza BiH i Udruženja premijerligaša u formiranju.

Naime, predstavnici klubova su na svoju inicijativu došli na sjednicu Upravnog odbora RSBiH koja se održavala 10.02.2018. godine. Premda nije bilo predviđeno tačkama dnevnog reda, Upravni odbor je primio predstavnike klubova koji su tom prilikom iznijeli svoje probleme, te dva zahtjeva. Uslijedila je konstruktivna rasprava o predloženim zahtjevima i po okončanju iste predstavnici klubova napustili su sjednicu.

Ocjenivši da je dosadašnji tok prvenstva protekao bez najmanjih problema i zaprimljenih zamjerki od strane klubova, UO je donio zaključak da se liga 2017/18 može igrati samo pod okriljem RSBiH u skladu sa donesenim i usvojenim Propozicijama na početku prvenstva. U ovoj situaciji kada u Statutu RSBiH nemamo nikakvo udruženje ligaša, niti klubova, nemoguće je iz statutarnih, ali i tehničko-materijalnih razloga, prepustiti organizaciju takmičarske lige bilo kojem udruženju koje kao takvo nije prepoznato u normativnim aktima RSBiH.

Takođe, UO je zaključio da nema potrebe za sazivanjem vanredne Skupštine, s obzirom da će se redovna Skupština prema planiranim aktivnostima održati u maju mjesecu.

Istaknuto je da RSBiH izuzetno cijeni sve klubove članice RSBiH, što kazuje i činjenica da se UO odredio u smjeru da se i Udruženje ligaša uvrsti u Statut RSBiH. Na ovaj način, Udruženju bi se dalo na značaju, ali bi se istovremeno definisala njegova uloga, prava, obaveze i njegov djelokrug.

Kako smo istakli u službenim obraćanjima ispred RSBiH, u toku je priprema izmjena Statuta u okviru pripreme za sjednicu Skupštine. Koristimo i ovu priliku da pozovemo klubove da se aktivno uključe u predlaganje izmjena i dopuna Statuta u pogledu uvrštavanja udruženja klubova, udruženja trenera i sindikata igrača u Statut.

Zahvaljujemo se klubovima što su prepoznali problem porezne registracije RSBiH i samim time priznali da su svjesni otežanih uvjeta rada RSBiH. No, uprkos tome, nadljudskim naporima realiziramo lige, ali i mnoge aktivnosti u reprezentativnom rukometu pa slobodno možemo reći da nisu samo klubovi svijetla tačka rukometa u BiH, već i naše reprezentacije, a posebno svi sportski radnici koji održavaju rukomet svih ovih godina.

Na kraju, ali ne i manje bitno, RSBiH je u pregovorima sa potencijalnim sponzorima lige koji bi svojim sredstvima olakšali rad i takmičenje klubovima, te omogućili da novac koji izdvajaju za službena lica ulože u omladinske pogone i razvoj rukometa.

RSBiH